

A. Jerawiwi iloaan Eklejia eo:

❖ Kōtlok bwe en jerawiwi

- Ilo Eklejia eo ilo Korinth ekkar wor “lūñ ibwiljimi, im juōn kain eo me ri pagan ro re jab kōtlok” (1 Corinthians 5:1 NIV). Ej walok iloaan Eklejia eo me ro nukid rej palele dron im ej juon joran elap ej bok jikin ie. Ak jekjek rot eo ear laplok an nana kinke, ijellokin an kar membōr ro ukwelok, rar utiej buruer ilo air kommone jerawiwi rot in (1 Corinthians 5:2 NIV).
- Kabuñ eo ear ejaak jen armij ro jen ailiñ ko jet. Bōklikit ko air make ear jiroñ ir bwe ren jab kōtlok air palele don meñe rej nuklid. Bareinwōt, air jelā kin Jeje ko ear kakajurlok lemnak in (Lev . 18:8).
- Elañe rej alikar bwe kōtan in ej jerawiwi... etke rar utiej burueir kake (1 Cor. 5:6)? Baamle ro rej bōk koñaer rej ke ri-utiej ilo kabuñ eo? Rar ke utiej buruer kin air juon kabuñ eo ej kijenmij kin ri jerawiwi ro? ...?

❖ Kōjemlok Jerawiwi Eo

- Joraan eo kin palele don ak rej nukid “emoj an Aolep armij jelā kake” (1 Cor. 5:1 NIV), kin menin renkar aikuj in kommane juon wāween ñan bōbrae etan eklejia eo ilo joraan. Ta waween ko renakkar aikuj in kommone?
(1) Ñan kōmmene juon ekajet eo ej kalikar, ak jab kalikar, bwid eo an armij eo. (1 Cor. 5:3)
(2) Jab kobalok ibben ri jerawiwi eo, ak mōññ ibben, joñan wōt an kate e bwe en watōke einwōt juōn uan kabuñ eo, im jab kōnan jolok jerawiwi eo an (1 Cor. 5:11)
(3) Ñan jolok ri jerawiwi eo im lelok e “ñan Setan,” kinke, ilo an kautiej jerawiwi in, ear make kālet ñan likit e make iumin kajoor eo an Setan (1 Cor. 5:2b, 5a, 13b)
- Kauwe eo an kabuñ (jekdōqon ewi joñan an pen jerawiwi eo) ej aikuj in wōr juon an kōttōpar in Lomoren armij. Bōd eo an armij eo ej aikwij alikar bwe en maroñ kile, ukwelok, im “lomoren ilo ran eo an Iroj Jesus” (1 Corinthians 5:5).

❖ Wāween Kommone Apañ ko Iloa

- Elikin an kar kwalok kin ewi wawein ñan kamadmōde jerawiwi ilo kabuñ eo, Paul ej kauwe ir kin air jab lor nan in tel ko rejimwe im kin air likit akwāāl ko ikōtan ri tōmak ro ñan jikin ekajet ko an lal (1 Ri-Korinth 6:1-6). Ak Paul ear etal wot im kwalok kin unin abañ eo.
(4) Mokta, en ejelok aer akwāāl ibwiljin ro iloaan eklejia eo (1 Cor. 6:7a) im, emool, membōr ro rej jab aikwuij kommon bōd ak riab ñan bar juon membōr (1 Cor. 6:8).
(5) Ro jeid im jatid rej aikuj mōññōñ in jołok aer bōd. (1 Cor. 6:7b).
(6) elañe rejjab errā ikōtan membōr ro, kabuñ eo ej aikuj in ekajet ak kōmman pepe ikōtaan er. (1 Cor. 6:2).
- Ijellokin wōt bod in mōnmōn armij (Rom. 13:1-5), apañ ko ilowaan kabuñ eo rej aikuj in jemlok ilowaan.

B. Ewi Wāween bwe en maroñ bōbrae an jerawiwi walok iloaan Eklejia

❖ Tampil Ko An Jetob Kwojarjar

- Elikin an kar konono kin abañ eo kin ekajet, Paul ej bar jeblak ñan unin kōnono eo elaptata: mour in lūñ an member ro ilo kabuñ eo. Etke ear walok?
- Ri Christian ro rej kir ir ñan juon mour ekwojarjar (1 Cor. 6:11), im men in ejjab kobalok jerawiwi ko. Ak jet rej aitwerōke ke, emwij air jeorlok bwid ko air im rej lemnak ke ejjelok aer ruan, kinke rej lemnak ewor aer maroñ kōmman jabdewōt men rar kōnan kin enbwiniir. Eñin unin Paul ear kalikar bwe “enbwin e jab ñan lūñ” (1 Corinthians 6:12-13).
- Aitwerōk eo an: enbwin ko ad rej mōttan Christ. Jejjab maroñ bōk juon uwaan Kraist im kobaik ippān juon kōrā ekijoñ ak juon kōrā en lōñ (1 Cor. 6:15-18).

- Āliktata, ej tellok kij ñan kejōkļokjeņ kōn juon men eaorōk: ānbwin ko ad rej tampeļ ko an Jetōb Kwojarjar im, kōn menin, rejjab ad, ak rej an Anij (1 Cor. 6:19). Anij ear wiaik kij kin bōtōktōkin Nejin eo eaorōk, innem jej aikuj kaibujuij Anij ilo enbwinid im jitōb eo ad (1 Ri-Korinth 6:20).

❖ **Pālele Eo Me Ekkar**

- Ilo an Paul uwaaki jet kajjitōk ko me eklejia eo ilo Korint ear waļok, ej jipaņ kōj ñan meļeļe ekōjkan ad maroņ ko jān ļōņ (1 Cor. 7:1).
- Ilo mol: armij ro emōj aer mare rej aikuj in enjake mour in pālele ippān eo pāleer; armij ro ejelok beleir ren jab babu ibben jabdrewot armij.
- Ripālele ro ren jab ņakoko in babu ippān doon bwe ren jab kareel eo juon ñan ļōņ. (1 Cor. 7:3-5).
- Armej ro rej make iaer im ewōr aer menin letok in dāpij er make remaroņ bōk iien ko remman ñan karejar ñan Anij ilo ejelok jorren jen kea ko an baamle (1 Cor. 7:6-8, 32-34). Armej ro ejelok beleir im ejelok air menin letok in maroņ in dāpij ir make ren kajeoņ in mare bwe ren jab bōk menin kapo ko (1 Cor. 7:9).